

TFCII tempang tanpa dua import

Pasukan Terengganu FC II (TFC II) terpaksa menyetepikan khidmat dua awang importnya ketika turun membuat perhitungan dengan Universiti Kebangsaan Malaysia FC (UKM FC) pada aksi final pertama Piala Cabaran di Stadium Shah Alam, malam ini.

Ketua jurulatihnya, Tengku Hazman Raja Hassan berkata dua pemain itu melibatkan Sebastian Thuriere dan Bruno Suzuki yang belum cergas sepenuhnya selepas bebas daripada dibelenggu masalah kecederaan sebelum ini.

Menurutnya, ketiadaan kedua-dua pemain itu sedikit sebanyak memberi kesan kepada persiapan pasukan khususnya dibahagian tengah dan serangan pasukan.

"Kalau dilihat kepada rekod pertemuan sebelum ini ia lebih memihak kepada kami, namun bagi saya dalam aksi final sebegini semua boleh berlaku dan kita seharusnya menghormati kemampuan mereka (UKM FC).

"Masing-masing sudah menge-



Tengku Hazman menuntut anak buahnya mengelakkan daripada melakukan kesilapan mudah untuk membawa pulang bekalan selesa ketika bertemu UKM FC dalam aksi final pertama di Stadium Shah Alam, malam nanti.

tahui kekurangan dan kelebihan masing-masing, jadi pemain perlu lebih fokus dan berhati-hati dengan saingan yang bakal diberikan UKM FC," katanya.

Dalam pada itu, bekas pemain kebangsaan itu turut mengingatkan pemainnya agar tidak mudah selesa dengan keputusan perlawanan sebelum ini ketika bertemu lawan

yang sama (UKM FC).

"Ini adalah pentas final sebarang kemungkinan boleh berlaku dan pemain perlu mengurangkan kesilapan dan memanfaatkan peluang

📌 Namun bagi saya dalam aksi final sebegini semua boleh berlaku dan kita seharusnya menghormati kemampuan mereka (UKM FC)." - Tengku Hazman

yang ada untuk memburu gol.

"Sekiranya pemain-pemain dapat melaksanakan tugas mereka dengan baik dan mengikut perancangan pasukan, mereka mampu membawa bekalan positif untuk aksi kedua di tempat sendiri nanti," katanya.

Sementara itu, Tengku Hazman turut mengingatkan benteng pertahanan TFC II agar berwaspada dengan kelincihan penyerang import mereka, Michael Chukwubunna Ijezie yang ketika ini menjadi penjaring terbanyak saingan Piala Cabaran.